



RUNE NATÅS
Sævråsvegen 302
5957 MYKING

Saksbehandlar, innvalstelefon

Kari Elsa des Bouvrie, 5557 2022

Svar på søknad om dispensasjon frå søknadsfrist - produksjonstilskot og avløysartilskot - Lindås - Rune Natås

Vi syner til søknad om dispensasjon innsendt 16.12.2019. Søknaden gjeld dispensasjon frå søknadsfristen for produksjonstilskot i jordbruket del 1, 29.03.2019.

Vedtak

Fylkesmannen gjev med heimel i *forskrift om produksjonstilskudd og avløsertilskudd i jordbruket § 9*, føretaket til RUNE NATÅS, org.nr. 969 164 302, dispensasjon frå søknadsfristen 29. mars 2019.

Bakgrunn

Du opplyser at du oppretta søknad om produksjonstilskot del 1, men oppdaga no i oktober at den ikkje vart sendt inn. Vi ser frå loggen at du var inne i søknad om produksjonstilskot del 1 den 10. mars og oppretta ein kladd. Du ber no om å få levere søknad for mars etter fristen.

Regelverk

I følge *forskrift om produksjonstilskudd og avløsertilskudd i jordbruket* (forskrifta) og *Veileder til søknad om produksjonstilskudd*, er det søkjar sitt ansvar at søknaden vert levert i rett tid, og det same gjeld endringar i søknaden. Søknadsfristen er 15. mars, med frist for endring 29. mars. Fylkesmannen kan i særskilde høve dispensere frå søknadsfristen jf. forskrifta §9. Formålet med forskrifta er å bidra til eit aktivt og berekraftig jordbruk innafor dei måla som Stortinget har trekt opp (§1).

Vurdering



Føretak som søker om produksjonstilskot er å rekne som sjølvstendige næringsdrivande. Som sjølvstendig næringsdrivande må det stillast strenge krav til aktsemd og at søker overheld dei ulike fristane i samband med søknad om produksjonstilskot.

Landbruksdirektoratet har i rundskriv 2019 – 34 i punkt 9.2 gjort greie for korleis dispensasjonsreglane skal praktiserast. Ein dispensasjon kan gjevast i «særlege tilfeller». Det tyder at det berre kan innvilgast dispensasjon når det føreligg ei spesiell, forbigåande årsak utanfor føretaket sin kontroll som fører til at føretaket ikkje oppfyller vilkåra i forskrifta.

Regelverket kring dispensasjon frå søknadsfristen er strengt. At du har registrert opplysningar i ein søknad om ikkje vart sendt inn er i følgje regelverket ikkje grunnlag for dispensasjon, men vi har kome til at i denne saka legg vi vekt på at søker har gjort ein aktiv og dokumentert innsats for å søke om tilskot. Med kring 5800 føretak som søker om produksjonstilskot i Vestland viser erfaringa at det berre er nokre ytterst få som får problem i søknadsfasen. Det i seg sjølv talar for at dette er eit særleg tilfelle.

Det er ei klar målsetting for landbrukspolitikken at forvaltinga skal vere effektiv og brukarvenleg. Elektronisk søknadsskjema med kontroll mot nasjonale register er det desidert mest effektive tiltaket om er innført. Vi har difor på ulike måtar søkt å skape tillit til det digitale søknadssystemet og vil unngå at mange, for å sikre seg, går tilbakt til å søke på papirskjema.

Fylkesmannen meiner at terskelen for dispensasjon må vere lågare ved tekniske brot på forskrifta enn ved andre brot. Her er det snakk om søknadstidspunktet, og det er ein openberre feil at søknaden ikkje er vart lagra og sendt inn. I dette konkrete tilfellet vil ikkje ein dispensasjon bryte med formålet i forskrifta. Vi meiner terskelen for dispensasjon må vere høgare i saker der søker bryt med formålet i forskrifta eller med reglar knytt til dyrevelferd og god miljømessig drift.

Ved innsending av søknad får du opp eit vindauge med stadfesting på innsendt søknad. Det vert samtidig sendt ei stadfesting til føretaket sin Altinn-innboks. Vi tilrår at det vert sjekka at kvittering er motteke etter at søknaden er sendt inn. Sjå rettleiingshefte «*Veileder til søknad om produksjonstilskudd og tilskudd til avløyning ved ferie og fritid. Søknad 2019*» I kap. 5.12.5.

Ny frist for levering av søknaden er **10.01.2020**. Ta kontakt med Alver kommune om du har spørsmål til dette.

Klagerett

Etter forvaltingslova kap. VI kan du klage på dette vedtaket innan tre veker etter at du har motteke dette brevet. Klaga skal grunngjevast, stilast til Landbruksdirektoratet og sendast om Fylkesmannen i Vestland.

Med helsing,



Bjørn-Harald Haugsvær
ass. landbruksdirektør

Kari Elsa des Bouvrie
seniorrådgjevar

Dokumentet er elektronisk godkjent

Kopi til:
Alver kommune Havnevegen 41 A 5918 FREKHAUG